



淳熙稿 卷七



淳熙稿卷七

宋

趙

蕃

撰

五言律詩

壬寅元日

壯歲頻羈宦王春又履端
東占風料峭北驗斗闌干
歷數堯年永條章漢詔寬
殘生侶麋鹿何路接鷓鴣

人日感懷因寄玉山親舊
並以示當塗溧陽諸表

弟

唐人重人日往往見於詩
孰謂風流遠聊須著語追憑

高縱無地念遠得忘思欲寄江東弟斷腸梅滿枝

寒食呈慶伯

浩氣風兼雨紛紛柳與花不知春事減但覺旅愁加嗜

酒誰明意耽詩老不佳無家對寒食相與重成嗟

○再呈慶伯

下里又寒食寒居又去年蕭條花不見牢落病仍纏強

起陪親友題詩未究宣方欣好天色雲氣復油然

詠牡丹

洛下誰移致江南種得成高株非自接徑尺信能盈恨

匪堅牢質漫令城國傾未宜貧舍有風起莫多驚

三月二日同明叔過從禮觀牡丹

新晴喚我出負郭看花來窈窕欄檻入咄嗟尊俎開媽

然同午醉老矣怕春催身羨雙飛蝶翩翩去却回

瓶梅

驟逢初粲粲儼立更亭亭汲井洗醉盡俛譚揮塵停搜

詩未窮妙能畫孰遺形風日人間苦飛僊不假翎

再題

舊歲只五日晚梅能幾枝婆娑一尊酒陶冶數篇詩總

靜遊蜂寂簷深立雀窺書齋寂寞裏藉爾對文願

題堂前梅花

廢宅委塵埃梅花亦自開九泉無起日雙鬢有新摧索
莫生何理飄零句易哀若為歸去晚茅屋老蒼苔

客長沙邢園堂下梅花一萼先開有懷成父斯遠

二首時聞朱先生辭西憲節歸舊隱恨不與斯遠
同上謁也

老樹發青枝晴多雨亦奇一花成獨破病眼得先窺又
作殊方見還成寄遠詩不知閩與浙何處念乖離

未

亦到溪南未還能念我不梅花今次第客子政飄浮師
法真難得微官益罷休飢寒還累我寤寐只閑憂

咏梅六首

十月江南路梅花次第開殊方孤病眼高興闕詩材幾

日風鳴屋連霄雨泛塵曾令四郊覓未見一枝來

臘前能幾日年後不多時五嶺無千里東亭共一陞胡

為欺北客未即見南枝或謂冰霜候還憂衣褐為

老眼從昏翳高情未脫遺雖云謝能賦政爾動相思彼

自無妍鄙渠寧可磷緇猶須藉名勝相與厚襟期

縱乏幽人宅猶餘大樹祠帶山仍帶水宜飲亦宜時勿
待全開後當乘半放時昏昏廓陰霧皎皎上朝曦謂伏波祠

梅前老

溪北溪南路山前山後居興來隨杖履意到總林廬觸

日常懷爾謂斯遠閑心相憶余雖然風月趣千里故非疎

幾日寒如許梅花好在不汝雖甘寂寞吾自念深憂靜

塢無車馬清溪足鷺鷥何當細扶杖隨處小遲留

雨中憶梅花

莫問帆遲速且看山晦明賦詩忘意索圖畫得天成白

髮應無種流行詎有程清霜可期至郢樹合爭榮

次韻何叔信書齋梅花

坐對窻中帙起尋簷外花因之觀物化藉以發天葩一

笑故無恙百年終匪他端殊苦心士志失鬢先華

嚴先輩詩送紅梅次韻

畫道梅花白能紅又一奇渾疑丹換骨不是酒侵肌看

此敷腴色思儂少壯詩盛年雖不再猶擬歲寒知

植梅一株於廳事之後招丞及明叔同觀倪嚴二

先輩送酒陳簿送茶因以成集

有竹似吾家
無梅覺欠花
移將香索莫
來伴綠交加
好事適餽酒
詩情仍得茶
相過况非遠
勝處莫令賒

和何叔信別種臘梅韻

不識梅當牖
唯知竹映墻
脫成元似蠟
染就却殊黃
自

是風神秀
寧由肌骨香
木樨雖瑣碎
品色庶同芳

師契約遊白蓮

勿陋盆為沼
能生徑尺蓮
乍開冰雪鏤
欲謝羽蹁躑得

意疑來鷺凌波
欲問仙平生
苔雪興擬借
葉為船

叢桂

方嘉佳仍舊

漫道希為貴
那知夥不春
江南故多桂
秋仲舉敷花往

往因人好蕭蕭
得句佳人誰不種
菊千載但陶家

元之去非來邢園
折牡丹醱醖碧桃以去

花取三英
粲時高兩玉人
毋嫌應接費
要悟色香真詩

定一題紙酒應多
入脣病夫方坐穩
幽獨恐傷神

理菊

攜鉏乘夏雨
分菊待秋風
幽事常閑我
閒居不負公苔

深連竹地籬
破接蘭叢更約
兒童輩須勤灌溉功

暇日過在伯學對菊置酒已焉甚醉行四十字

雨後江猶漲霜前菊正繁波光搖檻楮花氣八楹軒病
不勝杯勺情欣接話言兀然成徑醉涕唾老仍煩

憲前葵萱皆吐花成詩二首

僅能去蓬藿手自植葵萱疊石就為砌啟憲因當軒後
先殊早晚開歛共朝昏長夏曷以度幽花相與言
落去梅堪裹乍開臺更重老懷非我獨幽質為誰容短
髮簪猶惜高軒詠可供還愁早衰歇無以慰踈慵

詠智門佛殿前凌霄花與斯遠同作

桂栽初得地藤附亦凌霄層葉圓如葆高花豔若燒故

能開續々殊愈落飄々有木方思種從僧會乞苗

咏蕙

莫與蘭爭長風期本自同俱高漢賦上並錄楚詞中斜
種當書屋簷移自佛宮更餘千箇竹相與慰詩窮

護草

伯兮當日意護也直云忘豈是名茲草真將種北堂能
叢又能幹非絳復非黃開處陰當合看時晝閱長

楊花

雨樹蒙茸集晴空散亂飛若為能撲々何以詠依々花

裏渾迷蝶風前屢點衣未妨吹盡得病起帶寬圍

蛺蝶

不逐東風去仍當夏日長一雙還一隻能白或能黃戀
不自己翻空復狂計功歸實用終日媿蜂房

偶得掃竹因培竹五字會仲威見過留與明叔同
飯用此語成詩

掃竹因培竹畏人非避人楚然聞響屐莞爾正歌巾坐
子竟日久飯吾三韭貧能來不嫌屢梅底要深巡

斫病竹

採掘寧慳供護持期有成時今閱春夏爾獨意枯榮瑣
碎日無影蕭騷風罷聲樵蘇勿懷辱而我豈無情

新竹

新竹不數輩歲慳非地貧破苔方挺出突屋已長身未
害少為貴居同德有鄰山中乏朋友舍爾復誰親

題新竹示韋德卿

戢之初成茁駸漸可竿朝幽粉淚漬午靜籜聲乾枝
且勝棲羽陰仍合翠寒書齋有餘暇可以過予看

竹逕

一日猶思種長年可不栽初時叢足玩歲久徒成開明
月雖坊約清風得叙懷未須緣客掃頻肯為詩來

種柏

柳絲慙桂殷勤買柏栽予如樗櫟者汝自棟梁才今
日藩籬護他年風雨哀人生朝暮爾此物到雲來

堂下梅一枝開遲而花極小疑地勢使然感歎而

作

梅發無衰盛根生有瘠腴都緣託地薄故使著花癯
小吾憐爾伶仃爾念吾詎須詩遣興何用竹相娛

梅未開書四十字

地與南荒接梅花合早開如何長至後不見一枝來
政爾緣霜早多應待雨催簷邊有獨樹日遠故千回

約老謝丈及諸友尋梅

聞道梅花發山邊復山邊要穿居士屨還傍野人船
盤礴須窮日飄零憶去年攜壺雖我約能賦屬公先

梅微開復題

晨起渾無事巡簷立久時不驚新苦瘦頻憶舊題詩
次第開全樹攬見先一枝故園春尚晚折寄欲因誰

陳巖二先輩和前詩見示次韻報之

梅藥何曾見詩筒已載開如憐今歲盡喚起好春來
尺花當動侵尋老故催不知榮悴閱更得幾何回

和荅曾季永縣尉用前韻見貽

早久疑成癘梅枯未得開悵然因有句作者賸能來
日寧渠貸光陰覺我催却愁看欲盡憶著首頻回

梅驟開旋有落者

強說歲寒姿曾無旬浹期多緣風日苦休道雪霜欺
炯方懷壁依々透泣岐飄零陌上土收拾卷中詩

梅且盡作四十字

江梅自癯瘠挫抑豈多禁未臘憂風雪先春病雨陰
時能慰眼落去更關心何以寬愁寂村醪得屢斟

至節後猶未見梅疑早使然

敗砌初無菊空林合有梅如何長至後不見一枝開
是春渝信端緣早作災蔬畦與麥壠滿目但黃埃

和斯遠西軒竹二首

軒闢因松倒軒深為竹成山靈回俗駕鳥語助詩鳴
子息肩地諸公攜酒行白頭哀我獨青眼為魚橫

道上行人暘林間釋子幽去無相趣
迫聊得小夷猶竹樹擁簷立溪山
隨檻流自非能賦者常是欲眠休

同成父弟訪王亢宗遇周欽止同過圓通看竹二

首

訪客因逢客相攜看竹來徑從林下轉
門向水邊開高

聲防驚鳥徐行恐破苔故嫌溪淺落妨我泛舟回

鄰圃伐曾經僧園種得成不閑新雨過自是絕塵生

直能明眼幽深足叙情何當共攜被重此聽秋聲

飲袁州惠仰山茶

黃溪方輟供頓有仰山來久怕羊腸險險小聽松吹回喜
能澆渴肺愁奈走飢雷何日俱君謁香凝燕寢開

大琛沽酒

吾州大琛酒名不謝孤洲女子亦知價酒家多行人皆

繫舟西來灘過險東上寺逢幽未說千憂散姑為一醉

謀

鄰居送梅子朱櫻

山居蔬果少口腹每勞人梅子欣初食櫻桃併及新供

益貧亦辦薦酪遠無因便可呼杯勺數朝陰雨頻

厚熙高

卷七

螢火

渾忘生朽腐直擬暮光輝解燭書帷靜能添列宿稀當
風方自表帶雨忽成微變滅無多理榮枯會一歸

贈墨二首

奚李風流遠名家得自賢粗能明款識不暇別中邊歲
計一九足癡人連屋懸此生能幾履茲士信超然
斷我千年質成茲數十鑿當從黑白辯豈問姓名題願
效文章用寧辭肌骨到先生無浪語畧為究端倪
贈硯

一種端溪石下巖滋別源千金騰有翼尺璧走非跟自

顧婆娑質適堪椎鈍根終為老茅屋已矣獻金門

硯答

食硯固可笑硯枯還有云先生信難說吾事亦徒勤歲
久當消髀研窮且斷筋不如因墜地瘞得退之文

讀子進浙行詩軸中有二詩見寄次韻答之

近有平安使新詩得盡傳深懷行役苦更憶弟昆賢笠

水鴟夷子荆溪玉局僊經行如有訪小為繫歸船

何夕佳風月仍陪笑語清依々數行李了々盡平生要

使交游態渾如手足情居間有此樂那用占時名

季奕以文編垂示簡之

每念新疎闊還思舊倡酬年齡故相並文事孰能優媿

乏聞多益難支問不休黃陳有正派舍是復何求

以近詩寄丘運使

古貨自難買良工徒苦心誰能明致力於此是知音門

第成乖隔江湖阻滯淫寄書因有使還得附微吟

呈林子方運使四首

去歲都城客傳聞召節馳深期遂披覩得以叙乖離竟

復參差是空成悵望茲外臺知不遠匹馬敢言疲

憶自梧州別懷茲下榻勤寸心方炯尺素每云二遠

地必迂報高情真薄雲百年公幾見五十我無間

一代推人物諸生賴楷模高風雖莫並盛德本非孤物

望歸臺閣官稱復轉輸澄清雖雅志獻納政時須

白髮絲難理青杉葉半枯自憐謀斗食敢作慟窮途試

問遙書札何如通坐隅合江趨浩渺分水忘崎嶇

投曾原伯運使二首

一自嘉禾見于今歲幾多飛騰公可那流落我如何舊

說金能點今成鏡失磨未甘終痼疾還復向醫和
遠地書郵絕長年屬望勞要期親帚柄寧憚學舟操媿
守藩籬小難窺墻仞高秋風滿天地不廢候蟲號

以近詩寄尤運使

求識尤太史泛舟維豫章秋天值搖落行色况蒼茫竟
乏驚人句莫升君子堂學書雖老矣猶擬遍諸方

呈丘運使三首

海內求名輩如公得未多風流正始士藝達孔門科願
識亦已久陳詩無見訶萬蓬作培塿松柏自嵯峨

奔逸間千里飛騰見九遷禁途才咫尺玉節屢回旋看
即自天下催歸在席前如憐落鳶外為遣反驅邊
從士二千里學詩三十年坐窮寧為此將老豈其然耻
食陶奴米羞言夷甫錢相逢何用早契合有忘年

呈黃永新希二首

江夏無雙士嘉禾百里君信非今日吏要與古人羣閱
世卧松柏過前紛蚋蚊薰猶自我別青白在渠分

偶作空房寓頻成假日從平生壯詩膽一見怯譚鋒天
地雖云礙江湖詎不容終南捷徑絕衡嶽卧圖逢

君有病

又性嗜畫

呈張太平三首

游日甘泉舊如公孰與先內雖資獻納外乃藉蕃宣
 日江淮地寧惟牧守權功名端未晚勉力繼青氈
 貴者多驕士古然寧邇來惟公獨超俗片善靡遺才
 譽已滿臺閣勤方散草萊深知桃李徑不為看花栽
 門牆十五載每見辱加親老至名不立道乖家轉貧
 世誰能我及志欲向公伸騰欲搜詩獻青山恐笑人

送劉通判二首

射策今晁董搗詞昔左班題輿已最課召節待遺鵬
 背九萬里龍媒十二閑除書看臺閣盛事聳荆蠻

國祚重興後人才應運生端殊飛紫鷲亦異夢長庚
 大車廟堂用若為州縣更垂孤賀今日連茹後茲行

寄趙信州一叔二首

蓬山辭上直番國喚回舟舊事起千佛茲行奪萬牛
 未除真學士且列古諸侯詔旨防敦迫民言願借留

官梅親手種山閣聽僧修公植梅後園及屬僧修靈山閣授簡慙吾事

登高企勝流葭葦元有託桑梓近臨州媿我脊身拙從

公但食謀

呈葛撫州二首

人物與江山風流適比肩
 家聲自勺漏出守更臨川
 美政人々說新詩句々傳
 五言成漫興一見豈無緣
 試說臨川郡江南第一州
 晏王今色子顏謝古諸侯
 未覺流風遠端知物望優
 岷山猶得擬湛輩肯容不

與李潭州椿壽翁五首

荷橐上甘泉居多政府遷
 胡為抗章謝而必退身全
 自計雖良己人賢詎舍旗
 吾心故公爾斯道合幡然

旃改旃

疏去良臣散文興大老歸
 能忘繆公側何有步兵幾
 暴虎無苛政鳴岡覽德輝
 輩雖參落葉且杜巍

今代長沙帥當年漢李膺
 登門故未易為御亦堪矜
 嗜好雖章句經營在斗升
 青衫舊藍縷白髮近鬢鬢

萬沅湘路千年賈屈文迹
 同探禹穴心每望堯雲未
 說湫茫隱長思矍鑠勳不
 應迷出處四十畏無聞

日在霜風急東西客路昏
 詩方學蠻語病昔似文園
 俯上棘門謁愁干節制尊
 頑踈寧自昧剪拂望深思

呈李贛州四首

憶昔重湖北逢人問處州寄書寧盡達覓使苦無由
 月無離閣山川自阻修那知遠遊權又傍昔年洲
 見自長臺數于今十五年雖云公偃薄政坐我迤邐苦
 志思重寫愁腸不易煎却憐難掩處霜髮半蕭然
 安否每難問姓名今得通久憂埋積雪大喜得春風與
 世故多識如公能幾同既欣送有感愁對海棠叢謂錦川
 學時元草賦就每忽竟復無真好空令坐枉窮
 風纔亂鳥秋雨又鳴蛩笑我胡為者真成浪自攻

贈劉進父監廟四首

纔

北

北

退士今安有微官詎作旌茹蔬知味薄不飲見神清
 要一權是高其事况堪詩有聲淮南人物論是亦一權一權
 北客自無幾老親寧重論客居誰肯記郊寺辱深存厚
 義真難得高情獨見敦寒燈仍薄粥相與話黃昏
 彼美南山石槎牙更貫之道雖橫至寶誰復賞竒姿歎
 息已云屢寫摹嘗有詩吾曹從行者名字亦俱垂
 歲晚戒行路問君何遠征風霜雖自苦墳墓不勝情南
 徙計豈得北歸邊未平非惟慕嚴父抑亦念難兄

呈楊謹仲監廟三首

祇道無前輩于今誠後凋形容猶矍鑠鬢髮自飄蕭
 日破萬卷暮齡甘一瓢紛々盈鄭衛洗耳驟聞韶
 劉孔何如士歐蘇敢並行江山故好在人士熟知名道
 遇澄清史為言月旦評經過纔一見已自慰平生
 地占清江勝居魚水竹外衡門阻靜僻高卧樂優游
 霧隱玄豹滄波翻白鷗弓旌不可挽芻牧政旁搜
 命有叢祠事晨最興敢憚勤渚沙微隱艇山木總荒雲雨
 十八日分謁升德廟過江作

勢紛未已詩材况見分中流更回首片々媿鷗群

寄峽州使君郭郎中三首

漢代郭林宗詞場繼國風郎官曾賜被刺史暫憑熊為
 客留工部移官滯酒翁淮陽豈為薄無恨不居中
 何處觀文獻如公尚典型詩先獲麟作字本換鵝經牛
 斗謾寶氣虛危須德星無為偃薄計不晚詔除聽
 契自西臺叙親從昭德論名聲蓋前輩牢落媿清門既
 見未知日因風聊自存祇愁千里面識我故塵昏

馮守生日二首

西漢馮君裔康時萬戶家治邊清氣勸課足桑麻
 日今年再歡聲闔境諱無言政長夏亦可醉流霞
 報政暮年外裏言朝夕問省郎何太晚召節看道頒屢
 上薰風殿行參玉筍班故應憐末掾牢落尚群蠻
 移官巴陵行有日矣書呈唐德輿程士和梁和仲
 于去非段元衡邢大聲七首
 驟雨落還收餘寒去却留飄零梅樹底髣髴杏梢頭
 酒有連朝病詩從一笑求平生湖海興又復心為
 門戶憐非寄聲名歎不群倦遊俱楚子舊識記番君去
 覓江山助行思風月分詩成如枉寄亦足張吾君軍

問訊書能數飄流見愈親通家如弟數承賜九民秋
 莽重湖路羈樓一病身欲行未得風雨况頻
 太史義皇上嵩山季孟間諸孫均内外文采被爛班顧
 我何足數遺風莫可攀知音愧流水仰止在高山
 有集能行世初疑是古人大波皆洶湧小石亦嶙峋時
 譽歸讎校微官尚徼巡竹堂塘春水滿雙鴻會飛馴
 客裏仍為客天邊瀕問天春風幾經歷老病一踟躕君
 句真嚴律儂詩但散禪錦囊如許伯不憚手親傳

只道花爭發那知雨較遲病軀猶改絮霜鬢益新絲鄙

性豈耽酒駕懷聊賦詩經過頓能爾無久溷公為

諸公皆和詩再用韻併屬湛挺之七首

誼也期淹速淵乎任去留服來占夏首歸去及頭春豈

必憂懷累當從樂處求控揣終異物窈窕一孤舟

戢：一天駟紛：凡馬群回頭異生死對面或公君漸

欲薰猶等反嫌黑白分居然櫻眾怒政爾怯孤軍

翰墨平生友江山數面親誦騷悲楚國訪古添民邱

整豈無趣塵埃空此身風行思數：糧食厭頻

吳楚他鄉外沅湘久客間已知身若贅詎惜鬢成斑

債貧常有詩壇老倦攀窮猿難擇木怨鶴望遠山

和我間中句俱來作者人步吟才勃窣聳詠忽嶙峋浪

說能聲喜端虞試問巡天寶固有分野性雜難馴

投老知何地此生休問天未須悲坎軻聊復寄蹁躚但

覺官如縛渾忘詩似禪不堪兒子誦敢望故人傳

舊作游梁倦今成去魯遲跳珠先集霰凍雨亂焚絲蕭

瑟夜來酒悲涼別後詩洞庭歸雁蚤枉寄莫遲為

既別晦庵復成二詩呈之近以同游善權不果臨

行錄其湖北道中詩一軸

既返山前棹還斟枕上杯雪飛如喚住鴈叫苦催回金

瀨半篙綠石亭千樹梅竟孤陪李郭亦愧匪鄒枚

去始豐城劍還終大仰禪記所抄詩縱橫幾詩句摹寫

百山川竹使承流日蓬山促召年儂行亦何為白首使

如遷

玉汝置酒招二十一丈同之鄙句奉呈

薄宦一雞肋飽霜雙蟹螯祇言成爾負那小會台曹公

已媿蓬鬢君俱追錦袍團石頭月其下走江濤頃右

常得句云可憐薄宦一雞肋負爾飽霜雙蟹螯久未能云

賈丈用昂字韻作詩中有見及復用韻奉呈併謝

徐謝二丈

人謂先生老詩壇近一昂共知文力健何有鬢毛霜自

料才非敵從今氣減狂同宗有徐謝我亦漫窺牆徐謝

漢堂皆入宗派者

呈叔驥和叔

吳楚山川隔墳笮笑語歡柳遲因積雪梅悴坐餘寒痛

飲憂病離愁孰可寬故非元與白坐倒又何難叔驥示賦

還

尊熙高

卷七

心

喻工部園
池詩甚佳

三十一日 呈全真沅陵師契

酒味雖云薄談端卻甚長
過從未能數咫尺每相望
幾念乘羸出還嫌觸熱妨
簷昏書掩卷月晚坐移床

呈毛伯明李叔器

陰雨六月倦遊天一隅
故難同類我還復歎猶吾不
惑防終蔽無聞恐遂愚
猶欣得師友可以慰羈孤

寄湯司諫

自發袁州使侵尋復暮春
何人話安否謂葉伯永官路政艱
辛音貢未歸客湘沅薄宦人
何當一傾笑肯作白頭新

永伯

寄謝湯司諫二首

十往六不報好辭開總看
誇張示朋友問訊異寒温
豈必待傾盖何時真掃門
絕勝東閣下布粟對公孫
章水清初漲梅花雪正飛
不惟催我去似亦待公歸
有弟能頻說高情真見幾
男兒出處耳麟閣與漁磯

送湛挺之提幹自武林迎侍於侯官兼寄松山尉

曹馬莊父二首

厚熙高

卷七

三

州

下

太學聲名舊文昌
 荐墨珍銓曹畧
 帝詞幕府得嘉賓
 使檄辭南楚安輿
 發故閩春風滿行
 色有賦不妨新
 未歷番君國先乘
 汭口船春波元甚
 駛順水豈勞牽我
 去殆同適公行真
 若仙壺頭雖不遠
 不見馬文淵

寄吳吏部三首

揆眼六翮翔經年
 尚省郎詔除應過
 日傳播未遐方
 湫山連蜀滔水接
 湘有懷雖晝夜其
 奈道塗長元日送
 朝天侵尋又一年
 無詩供猥誦有志
 存良憐若屋蒼苔
 合芳洲杜若零去
 留俱未遂兩鬢已
 蒼然

梅逐輕冰泮春從
 細草生孤山應最
 早假日想頗行竹
 閣思賢意菊泉招
 隱情奈渠歌鼓競
 使我鷺鷥驚

呈王平江二首

倦著以書履閑凝
 燕窠香聲猶傳漢
 殿句豈羨章即偃
 泊姑鈴閣端歸定
 玉堂不惟資獻納
 政復用文章先生
 自詞伯舉世孰詩
 人縱不藏人善慚
 無佳句新每懷青
 眼舊應念白頭貧
 未弭沅湘楫蒸湘
 復問津者初見公

於廬州蒙賜帖有詩人之目

贈張次律司理三首

長沙有賢掾京兆出名門筆力之前輩陰功及後昆龍
 門首加薦樞府舊彌敦看即飛騰去寧當尋尺論
 及是凡幾見於今乃白頭殷勤蒙飯設緩急與醫謀夫
 子自為德時人何足憂諸家何所歷更有若人不
 長以今十日曾未及湘山舊疾疴頻作方爐火自陰風
 高知六脫細雨念梅汪飄江方茲始林園未遽還
 次韻師契詩中及賑貸事
 賢賦傳句赤開倉體詔黃舊唯優附郭近乃畧諸鄉天
 意終深邱人謀豈盡長要須梅雨歇快放麥風涼

沈思和

早出小北門

聞道瀟皖下雜然仙佛居心期窮杖屨宿寺戒車輿晨
 起先僧磬逢人盡趨墟烟霏欣在望風露儘侵裾

夜賦二首

欲寐已成寤暫欣還作悲三更風雨聽四海友朋思拊
 榻蟲頻息挑燈鼠屢窺莫呼僮僕覺翻到自題詩

下上嚴婺路往來若雪舟何勝百篇詠不啻十年遊志

願終漁釣經溪鷺鷗清風慕唐漢高友得孫劉謂子陸玄

英及遠齋子
 進父子兄弟

此

二十六日同官相約過水耕菴雨中先至偶成二首

約客來至尋詩、偶生秋如驚柳色雨未改荷聲
、江湖趣悠、鷗鷺盟意雖能浩蕩筆迺欠絲橫
此雨不易得有秋端可期微官如飽飯餘事亦窮詩難
遠、場聽鳩深窅疑是身真已老何事此長羈
秉文以田事入村歸而寄之二首
村、穫稻急得、跨驢行別墅片時役好詩無數成羸
軀難並出病眼待渠明落日斜猶掛涼風晚更生

屢雨不濡土涼風茲已秋不知今歲事定獲幾分收日
糴每懷慮歲餘當遣、題詩纔紙尾又、望雲頭

伯威和章記祥符定交云爾蕃之次韻曾未及此
、用韻作二首後一首重寄伯山尚留太和伯威
詩乃去臘既望寫四月晦蕃始得之

前賢嗟不及夫子蓋其流海內間詩熟言間愜
暄同靜庶暮雪阻高樓別似崇晨耳一年今半休
不作山王詠故聞嵇阮流龍淵失珍襲猿木悔窮
投子句成江閣余懷限戎樓碧雲嗟莫合黃髮誦歸休

別沈二弟

一別動五載此生能幾回其間何不有祇是恐生衣我
病真衰矣君才盍勉哉要留還索去風雨更催

呈逢宣子

歎息逢宣子頗為郡國賓人皆說才具我獨愛詞人避
迥殊一見淒涼半月春但能詩似鏡從使鬢如銀

昭禮書來告其行日再寄以詩

已執臨歧手仍通叙別春絕知於厚何敢向君踈江上
留殘歲吳中擬定居莫為南北限天地一蘧廬

自作

素仰儒先德兼聞內助人齊上有道村家儼如賓六

已節義著兒仍經行醇他年書附傳落落衆星陳

劉凝遠丈病已欣然成詩并懷伯瑞仲文叔驥

二首

我行過若水公疾卧漳濱底處書傳鴈如聞藥有神作

詩應更老比舊想增貧坐與江山隔何緣杖履頻

諸子皆文士仍傳驥絕羣連床思聽雨拄笏漫看雲病

有交遊念書無歲月勤扁舟問歸路應見老參軍伯瑞

州法曹
秦軍

呈楊溥子

曉過子雲居霜風柳未疎飄零五年別斷絕一行書安
否勞苦外詩編吟誦餘君寧老騏驎我已媿春空

呈公擇二首

背郭數里深林溪四環精廬於此建寓舍即其間我
已成棲遁君能數法還故知交義厚不與世情關
此地無此客若人吾故人論文皆意到出語見真情未
議作輟別且當留浹旬畦蔬飽春雨小摘未妨頻

參

參

呈邗叔三首

前輩已云遠公身親見之老以在風心未憂良問

學本日用文章先達辭從茲得夷步不復因多歧

澗：清簷響惜：蘭斛香時於簿書暇樂是話言長政

可畫連夕興懷參與商平生事賢志烟：未嘗忘

聽說桃川事憑虛意欲仙真成在人境無用有船卜

宅自何載賦詩凡幾篇揮毫儻毋斲圖貌並流傳

呈亦韓

寒食寒未歸清明清曉時花殘湫無迹柳細不勝即

事須詩寫多憂賴酒支雖親友朋益更苦弟兄思

呈審知

晨出及未熟飯餘因就談結交真有道致此亦何堪靜
聽多聞益微吟佳句耽踈簷有新月當共影成

次韻和叔并呈叔魚

望：吳楚隔悠：兄弟思經行偶來過喜極為成詩二
父已名世諸郎皆子辭誰云前輩遠未覺此風衰

呈全真魯山

有懷思放曠茲地窈幽潛屋脊山微見庭前樹莫添把

收

下

書唯立壁扶杖祗巡簷深羨憑江宅登臨萬象兼

呈唐德輿兼寄呈可久三首

白頭四海客青眼幾何人况復平生舊端殊數面親文

聲雖益振士薄亦何屯好在章江水聊堪濯世塵

前歲長安雪從公飲屢過放談成絕歎狂態亦奈秋何歌我

仕魚緣竹公行游繞渦相逢雖足慰相別奈秋何

敬作沙隨問歸來安穩不一官成棄卻微恙想金參詩

篋猶堪倒錢囊不用詎更思從二老何日具扁舟

呈陳深父二首

享祀高

卷七

二十七

下



原件短缺

P28

相望僅一水相賒餘十年尋君向蕭寺歎我已華顛老
 至是其理窮未當益整雲深雪溪松塵暗幽絃
 役之到番國悠之誰故人僧房半牢落湖水失滄海我
 豈倚樓趙君真驚座陳何為辱傾倒相與盡情

呈晁舅祖叔藎

輩行雖如祖年齡儘可兄經過得屢見文字有同盟門
 戶當深責飢寒厭此生良農務穗菘初不計秋成

呈許深父及之

右孰茂宰斯人垂大名鳧飛看公入為墮黯余情行
 俗有雪上加霜之諺今日之謂也二詩呈知縣契

文教授尊兄

歎我貧兼病當梁上霜忍飢無異術炙背有奇方重
 憶茅簷下還嗟楚水傍官曹竟踈闊詩病得商量
 句野無格君詩工莫欣能霽水霜苦未知體孱寒有相絮敗暖無多二
 妙今誰敵有詩皆可歌暗中知沈謝灰裏撥陰

呈李思永

寶氣疑猶在諸公盛德名子得聞君姓名飄零方客路邂逅若平生學

淳熙稿

卷七

要精微講文須子細評道林并嶽麓他日得經行

又

與甘叔異鄧南秀我
相繼淪謝故及之

選墨綬盍遲行

呈宋伯潛

學自南軒派文仍二宋家泉源端有本玉立更無瑯儻

遂成三徑當從讀五車朋游有如此未恨落長沙伯潛

京秩而云不欲

○再呈伯潛

政爾羞餘子胡然說故家人方笑藍縷君乃不疵瑕厚

系

義重縞紵空言非笠車委思精絕處百鍊出披沙

叔異鄧南秀相繼淪謝故及之

呈劉子卿四首

南渡六十載况談元祐時故家垂欲盡遺事難知文

字既多舛傳聞寧破疑唯公有源委萬折必

近喜周公相初傳薦士章非才孰為治與國光故

國異喬木白駒空食場彈冠與結綬吾首

王氣東南盛流風西北踈往循

熟兒童聽惟傳父祖書如公不一
往自清江別于今近十年依僧聊避暑
愧不如昔公乎真過前政規則斷手明大已

別邢公昭丈

適遠能忘別衝行敢憚泥野航初喚渡茅屋正啼雞雨
後妨梅步風前對竹題因公動高興憶我舊幽棲

次韻周欽止送別

不見送將歸惟聞遠別離身今成老大官豈計高卑蕭
已移酒使人還枉詩臨風三復能有恨落無涯

程

留別子肅子儀三首

度橋遵野徑夾樹啟籬門剝啄傳呼疾周旋色笑溫
敢逃黃綬公寧卧白頭廟堂有北客人物想中州
行橐何輕重新詩得卷藏猶須與先集併為補山房更
欲詢言行持將益廢忘忽二語難盡萃恨空長

留別徐季純

隱墅夙未到扁舟空屢經灘長石壁寺州統
祿頭空白新知眼倍青雖云遽離闊也

重別成父二首

厚原

得	君	谷	寓	須	中	兩	盡
追	歎	看	舍	營	原	連	室
隨	父	題	我	虎	歸	朝	新
再	兄	字	至	落	尚	暗	借
何	別	風	晚	將	棘	江	隱
由	我	雪	官	以	三	山	持
懷	嗟	話	期	護	墓	千	家
抱	朋	昔	君	龍	久	里	又
攄	友	開	已	離	成	遊	即
因	疎	樂	催	不	燕	不	浮
來	窮	山	猶	用	未	能	可
湖	冬	并	當	平	議	攜	憐
外	仍	樂	載	安	增	汝	居
汶	遠	水	酒	報	封	去	不
為	道	隨	別	惟	樹	翻	易
寄	異	處	共	期	先	學	還
海	跡	一	作	剪	宜	吾	是
邊	復	襲	訪	心	且	愛	食
書	離	回	山	亦	其	又	為
	居		來	其	勿	便	謀
	僅		雲				曰

程

楚岫新經雪，湘江半露沙。蕭蕭斷行雁，淅淅後棲鴉。別
意渾相似，詩成祇重嗟。未嫌杯酒滿，直恐鬢霜加。

入自芝蘭室，重之珠玉淵。一官從草草，萬卷本便便。對
鏡平多壘，閒郊闕廢田。尉曹應事少，賓友定誰延。

留別徐斯遠時斯遠將赴朱晦菴之約三首
共有山林趣，相期間學功。一官重此去，三選幾時同。我

鬢因詩白，君顏非酒紅。從遊縱有日，羸疾奈何攻。
君質故甚美，加之乃得師。今為李君御，何後老人期。念

欲通名姓，還憂辱棄遺。何當武夷下，與子共追隨。

事變將酬萬身分若化千凍涼辭古寺辛苦問江船秋
得村村雨涼生樹蟬空哦五七字還約四三年

座中留別正之

已別還成佳多君意甚真自非敦友好寧復見情親月
已秋中過雨如春暮頻臨分匪杯酒幽獨恐傷神

別趙信州

拍：桃花水輕：蓮葉舟生憎衝野馬失喜見沙鷗漫
浪端如此飢寒信有未探懷玉蘊且訪九華幽

別趙叔

崇二卿貴祿落五溪深勿謂無回鴈郵傳可嗣音
淡廷無出右天下舉歸心歲晚雪霜餘春餘桃李陰班

江

別宗父

許日問何滯今晨真遂行人生苦飄泊歲事復崢嶸鶴
髮欠無恙燕雛憐未成臨分再三語不為別離情

別馬莊甫

邂逅成深識慇懃不作遥鵝湖書後納汭口騎能招奔
逸君誠俊衰摧我不印嗜書甘寂寞破敵看嫖姚

別楊謹仲

享思高

卷八

三十三

籬竹又離籜沼荷還疊錢
我來成佇立公為起高眠
清靜子雲宅扶踈陶令篇
三年渾易爾此別各蒼然

清熙稿卷七

臣

恭校

